

# 復莊詩問

〔清〕姚燮著

上海古籍出版社

下

〔清〕姚燮著  
周劭標點

# 復莊詩內

〔下〕

上海古籍出版社

復莊詩問卷十八

秋日閒居雜詩三章

北斗下城海，四更殘月高。  
空天蝙蝠舞，荒籬絡緯號。  
練砧霜色出，銀漢露光  
輞。  
延涼坐蠹蟻，差與滌煩露。

流電接虹影，薄雨灑晚涼。  
新菱轉檐卉，幽鳥語鄰篁。  
羣書怡飯釘，空氣迓芬  
芳。  
閒理水雲曲，參差笛在牀。

秋深露如雨，瓦楞微有聲。  
斜門旋落葉，濕草颺殘螢。  
紈扇感拋棄，羅袂響淅  
淅。  
靜夕盼天漢，白雲自英英。

# 憩湖山春社遇雨

樹密午生翳，嘒嘒鳴一蜩。  
萬山方戰雲，此院獨無鷲。  
深樓篋匝幃，壁影皆涼。  
嫵嬾倚窗石，蒙蘚如垂髻。  
去春來尋梅，泥酌聽晚簫。  
畫城初月痕，媚之新柳條。  
今年秋已中，舊柳瘦將凋。  
柳底殘蘗紅，避風亦愁飄。  
空鐘催雨來，漸過蘇堤橋。  
烟氣未到門，在耳先蕭蕭。  
致我夢思沈，俯見池萍漂。  
天痕抹萍心，翠重低不遶。  
膩徑頗思展，急迅聞迴颺。  
湖日浮碎金，一展輕黃綃。  
三兩菱灣船，揜袖重移橈。  
乍聞鷗尾歌，喚出田田嬌。

## 壑菴

徑尾柴門背夕曛，密窗經磬靜中聞。  
晚荷隔樹明孤白，早桂沿山動暗薰。  
秋色自宜清淨佛，湖光能作合離雲。  
入塵慚有六根縛，願此皈依謝俗氛。

## 漪園

緊綠捎檐瓦，先疑暮色渾。  
暗藤搜雨息，涼芰妥鷗魂。  
一徑獨無葉，千巒都向  
門。  
喜吾衣上碧，裊作唾花痕。

## 朱舍人俊招同人飲湖上長豐山莊一章

素壁無塵帽影斜，略分明篠互青霞。  
不邀人市繁車騎，卽抵空山古歲華。  
簾角水紋搖荇葉，樽心夕色轉薇花。  
醉來扶柳庭心立，吹過城頭一字鴉。

蒼茫遠氣暗難收，急敞華燈續晚遊。  
風雨經年人話別，湖天一白月當樓。  
接屏露色青山暈，颭笛烟聲藕葉秋。  
如此高筵涼夜闊，庾郎獨有鬢絲愁。

石屋洞

積磴風鐸堆，澀壁水蘚痕。道士已仙去，但守青鶴魂。  
鵬光不能闕，鑿刼先乾坤。削作匏壺圓，穹蓋如覆盆。  
古蔦鐵色瘦，牢繫虞淵根。蝠翼炯照面，於此衍嗣孫。  
不擢地脈秀，誰識天象尊。願敝玉延蕊，挹斗當瑤樽。

水樂洞

俗耳無鈞天，繁響怨荒雨。誰邀蘭浦槎，夢尋月中杵。  
髮翠彫石莎，瓷青碾花乳。吸納靈閭霞，結爲玉冰貯。  
秋氣得至潯，初籟洩成縷。觸我瓊瓏心，已通上界語。  
和薰嬌帝琴，節之大呂虜。豈有官私疑，而同競蛙部。  
元聲奪梵鐘，佛想闐然沮。一紅崖背花，娟裳欲升舉。  
郡王無留園，相業亦黃土。坐感萋磴烟，冥冥濕終古。  
應有瑤魄寒，靜夜擷松麈。來聽吾歌清，和以猿嘯苦。

滿覺壟看桂花

憶秋得眞液，慚我衣垢多。斜日黃雪痕，堆滿青髻螺。騷心愜天妙，所愛寧有阿。烟外樵斧聲，來媚西風歌。交枝濯嵐秀，逼影涼澗波。太古一胸聚，土脈千年和。月魂暗留駐，未忍扳其柯。掃葉攜茗鑪，此約當如何？

遊理安寺憩松顛閣三章同厲志葉元堦作

周昞但有緣，濕重持亦難。蒼然諸君衣，疑非白袷單。天根挂珠瀑，沁氣多椒蘭。通筧落地聲，奔作銀河湍。瘦僧苦行脚，頃自人間還。似驚俗跡多，蹴使雲華殘。佛夢晝方定，悄立門遲彈。聊扶仄景枝，口吸松烟餐。

馴虎有道心，至今化爲石。樵童思天遊，往往跨其脊。虛霆走空竅，洪荒未疑夕。誰將甕底雲，漏作萬山碧。生無丹籍名，肉眼敵塵隙。徒裁羊毛氈，坐俟鬚鬢

白。陽林無暑寒，玄理要堪搃。倘於投足窮，一遇壽光客。

懸青出天構，傑閣如鳥巢。目攝千里鴻，逝日同滔滔。萬事得根柢，不在歷境高。亂木空山喧，尙難平波濤。谷神棲寸田，八極盡能包。何羨巨靈手，持此地軸牢。耳目通塵寰，雖僻禪難逃。但宜明月時，置我孤琴操。

### 虎跑泉

獅王養眞乳，冥有天神監。倒影仙姥岑，瘦骨青巉巖。石廊分茶寮，障日多古杉。落眼深碧中，皎如明月嵌。至澄不受砂，其氣堪滌凡。豈同世味濁，往往分酸醎。仰邀南嶽靈，香界開華嚴。驚寒夜逃狄，罷汲朝飲巖。我來略試脣，冽疑冰雪攪。安得越手纖，用濯吳紵衫。

### 登六和塔

金輪高借佛雲扶，七級闌干紫翠塗。日月盪摩羣象活，江山供養一鷗孤。胎仙夢蛻探秦望，骨母靈魂弔伍胥。盛世蒼生無水厄，東南藉此作提持。

### 江舟觀月

水作銀河一折長，暗風漂去白蘋香。年華幾輩聽歌老，天地今宵對酒涼。楚雁出關愁見海，越山在眼易思鄉。襟懷我遜鄰船客，側帽絃邊試輭腸。

### 雲棲

雲棲自古只棲雲，略向篁梢見夕曛。隨地露光搜定色，過天烟梵寫清聞。停沽客繫尋秋馬，擲飯僧馴挂壁鼯。亂葉一蹊剛罷掃，墮來風簾又紛紛。

### 贈張丈廷濟

魯殿巋然在眼中，瓣香天籟項氏聞。屬吾翁。編年金石春秋例，大布衣冠魏晉

風。寄食人間鬢早白，論時酒後氣猶虹。神騏尙惜無眞賞，劣馬應教感路窮。

### 小蓬萊

紫瓊暗語湘蕤底，四幰明檀織龍綺。散花天女自在身，不夢行雲夢流水。芙蓉  
彫落魚烟冥，翡翠夜巢佛髻青。瑤臺佩靜月魂妥，黃冠倚笛秋山屏。

### 瑞雲菴

屢苦遊山倦，名藍憩午晴。蘚光緣蝶翅，茶氣噤蟬聲。斗閣雲眉冑，壚禪水衲  
清。松寮孤榻暗，留夢過鐘鳴。

### 長豐山莊壁上畫梅作歌示朱舍人

麻姑手爪如玉筍，冒露松陰摘朝菌。袖痕膩上春烟香，冰色人間正寒窘。石罅  
留得丹餘灰，一壺能使元氣迴。蓬萊素壁三百丈，老鶴顧之生疑猜。月面霜肌藐姑

射，宴母西池舊相識。停鸞月背瓊無聲，細酌梅花好消息。消息不與東皇知，東皇愁早花愁遲。媚蘭擁髻抱明鏡，銀灣方弄明荷姿。如何十萬金蟬鈿，絳影沍漈隔輕茜。可託巢居逋叟魂，莫認吳山斷雲片。

### 同厲志羅以智蘇惇元葉元增遊七寶山登大觀臺作三章

陰苔闕厓磴，古級天所成。滃然散雲葉，襲我衣裾馨。仰首見崇柯，桂樹吐繁英。落日遠相射，虛潭浮瑩瑩。餘輝散高壁，佛閣敞四楞。大風動蘿帶，吐納鐘梵聲。遊籟忽歸寂，壑氣早就冥。已無紫陽客，誰叩玄關扃？

搜烟入虛壑，靈草多蘭芝。日霜未相蝕，經秋含綠蕤。天光細如綫，宛轉巖隙垂。翔禽影忽掠，人語虛無吹。通明達眞地，意坦行忘危。崖薜觸巾帽，碎影還撲衣。徑轉得平壤，四望空所依。峯巒盡低俯，不顧流雲馳。窺林見城郭，或疑人民非。安得駕麋鹿，喬仝共遨嬉。

躡足更無上，萬象歸一臺。大風起何埃，蕩我胸衿開。江湖態時變，雲鳥赴其機。木葉在空闊，落久猶紛飛。明日對尊酒，歌笑吾知誰？茫茫古人跡，視此猶塵埃。馳歡戀白日，來者亦可哀。蒼烟未平合，條已沈短暉。眷言二三子，去去將奚爲？

同阮二十二茂才福瀚遊北山

身不到奇奇不盡，目攝奇雲那能忍。亂山蔽木萬僧巢，紆徑搜篁獨樵引。靈扉閉岳疑境窮，暗碧忽劖千丈空。風雷靜翕玉池底，樓臺倒插冰井中。涼翠浮烟蓮葉舉，濕袂飄香不成雨。柳冥欲寫蜩蟬愁，花定微聞鶯鶯語。蘿衣玉貌三清仙，安爐脫屣將百年。燒松夜煮瑪瑙屑，洗鉢晨酌玻璃泉。於人久作武陵隔，徑苔漸深門漸窄。龍泓有韻差可琴，鳳簫無塵頗宜簫。鏡虹秋晶開峭寒，但有蒼碧皆云瀾。遙天十二屏風影，畫出娟娟十八鬟。

登超然臺還過雲居寺同曹德馨蘇惇元

巖根夢斷古桃花，天綺中霄落絳霞。左右神仙金闕侶，玲瓏樓閣玉真家。漫披  
濁霧憐塵世，且叩空鐘問釋迦。叢桂晚陰風不掃，經壇秋冷月眉斜。

拂塵菴

松化千年石，苔如壞衲衣。粥魚催月上，花鴿出檐飛。嵐重雲都濕，門幽客自  
稀。青猿斜挂葉，窺影礪南磯。

清平山

秋想崢嶸寄遠琴，暮空涼翠逼疏襟。落波天影吹山氣，過峽湖風墮竹禽。  
先生古狂者，金塗佛相舊祇林。蹴霞有我荒寒客，拍掌樵童笑晚吟。

同厲山人出鳳山門憩栖霞小築復自鳳麓菴後山遊萬善寺

靜修菴諸勝

山靈不避人跡到，謂來遊者皆宿緣。苔光無膩知廉徑，雲氣能祥卽佛天。淨域林泉通一族，玄燈幽闕洩千年。鳳城鍵早歸不得，共借檀寮僧榻眠。

自萬松嶺至石屋嶺三章

旭日浮層城，萬緣一時曉。湖流混金波，返景在林杪。遠雲重難斂，露氣濕相裊。涼姿散荒葦，晴容媚幽篠。引目極紆變，觸意頗清好。天風忽平盪，虛空碎啼鳥。

荒率不可竟，亦有人家居。穿林何琅琅，稚子晨讀書。徑木苦繁礙，涼蔭翻曠舒。時有亂峯影，錯出清澗虛。羣芳互糾雜，衆秀工蓄儲。使我天游心，對景難盡摅。

投身味高峻，下俯蒼無垠。微茫見湖水，澹作秋雲痕。林烟雜山靄，瞬息浮沄渾。白鳥影沈處，乍有疎鐘聞。寺僧不出山，坐與元氣存。安知塵市中，萬化遷朝昏。

### 烟霞洞二章

天斧搜厓出祕魔，靈驅前部六丁呵。旃檀烟紫眞香鼻，菡萏心青古魄羅。地上飛尸雲茁角，潭陰愁雨日迴戈。文殊不說無生法，消蝕元精近已多。

颯颯枯枝響玉鶻，瘦峯如筍卓青骸。綰藤海眼探龍藏，佩鉞松心斷虎巢。明水半盂眞宰鑑，渾儀一握泰西包。僧眉如雪長過耳，老與空鐘守爛匏。

### 由風篁嶺入龍井

南山如睡龍，西山如蹲獸。脈結不能解，特發此嶺秀。綫磴千折紆，不作直勢顯。磬響無地尋，日光有時透。影澹鸞魄停，氣素麝烟湊。秋僧憐壞衲，春鬢弄妖

袖。斜梯太素天，側出萬青寶。渾渾忘東西，疊疊轉巖岫。再進雲再鈴，益上松益瘦。颯有羣籟趨，密無滴水漏。肅肅霜鋒寒，猿語不敢逗。攀畫仙洞奇，拒絕世途陋。踰險忘寺深，到門與僧遘。玉林迴景開，金階布空構。粥磬疎已闌，茶筌靜方奏。智井蜚病蛟，孤花媚靈鷲。良覲沙與搏，眞理壁難叩。獨想通竊玄，衆妙匯清颺。蘿衣披可仙，石漿飲宜壽。客或綺里逢，事待向平就。醉拂凌虛霞，懼濁出山溜。

吳山金龍閣觀禮斗

樓臺至肅秋至高，明蛻素綵纏白旄。星壇列宿二十八，紫微上相森笏袍。滿月隱壁天容顙，內妃太乙元精爰。花旛開闔七燈轉，平地涌出龜蓮巢。眞人絳冠三洞曹，躡虛鸞步梯招搖。掌心霹靂動天地，飛符迅速追長飈。雷門十二神將曉，兕鑿犀甲驟猊聲。鳳文褕帶龍機綃，頽鬟玉女如青要。陽靈陰怪走堂桷，義娥自擁中宮杓。心香一瓣通八霄，密咒上訴皇無聲。鈞天檀熾和祝簫，哀音逼近湘臣驪。解頤綿顧停瓊輶，似來賜爾長生瓢。致爾髮綠華顏嬌，百齡千歲齊偃喬。侏儒未解此中

味，倚闌且看江濛濛，蔽空葉落烟飄蕭。

### 秋日同楊大韞華萬六後丞泛舟虎丘山塘

絮才瑟絃小馮舞，颯落闌干暮楊雨。市紅秋老花傭悲，渚綠漪深釣孃語。笛牀茗竈蚱蜢舟，遠山送人官渡頭。蓉葉蔥蘢水灣路，珠箔高下城陰樓。鷗尾初颺弄瑤碧，不愁雲涼但愁夕。頗憐繡鳳越衫青，誰夢啼烏吳月白。昔年怡社聯襖觴，嫩鶯催酒春鬢香。暗燭湘簾遮畫鈿，明天金翠驕斜陽。今朝寂寞兩三客，曠有詩心含脈脈。東雅誰懷太僕園，西閣重尋諫臣宅。啼烟泣露吾不知，滌愁且借清深卮。翦湖風影迴鴻翻，壓舵霜華媚菊枝。

### 浮香閣雨夜聽歌示萬六

選色襟懷已逝波，桃花夢短奈春何。倚屏錦瑟如蘭瘦，拍竹涼烟上鬢多。昔社深樽淹歲月，此時飄雁滿關河。騷心苦到無香拾，聊遣蛾眉壽太阿。